



Decisiones Sacramentales, Theologicæ, Canonicæ, & Legales

In Quibus Tota materia Sacramentorum, Theologiæ Moralis, Juris Canonici, & Quæstiones plurimæ Juris Civilis explicantur, dilucidantur, & traduntur, Eruditionibus, Historiis, & Exemplis adornatæ ; Opus Episcopis, Vicariis, Parochis, Confessariis, aliisque Studiosis utile, ac jucundum In Libris novem ...

De Virtute Ac Sacramento Pœnitentiæ Decisiones

Chiericato, Giovanni Maria

Augustæ Vindelicorum, 1730

Sanctissimo Domino Nostro Clementi Undecimo Pontifici Maximo

[urn:nbn:de:hbz:466:1-94661](https://nbn-resolving.org/urn:nbn:de:hbz:466:1-94661)

Sanctissimo Domino Nostro
C L E M E N T I
UNDECIMO
PONTIFICI MAXIMO

Joannes Clericatus Præpositus Patavinus FELICITATEM :



Ncongrua videri potest, BEATISSIME PATER, à me suscepta fiducia consecrandi has Decisiones, De Virtute, ac Sacramento Pœnitentiæ, Innocentissimo Principi. An enim TE pœniteat Heroicarum, quas perpetuò excoluisti, & nunc ad supremum evehis fastigium, & virtutum? Sed illis, qui eximia fulgent integritate, magis displicet tenuissimus pulvis, quem, teste Magno Leone TIBI simillimo, contrahunt ipsa quoq; religiosissima corda, quàm alios corripit dolor immanium criminum, quibus turpiter inquinantur. Tuum igitur ad Patrocinium convolare potest Tractatio de Virtute pulcherrima, quæ Tibi est in deliciis; & quam, super bis animis abominatam, mira TUI Demissio amantissimè amplectitur. Recensentur hîc Opera, quæ Pœnitentiâ parit, oblata videlicet Deo Optimo Maximo preces, in egenos Liberalitates, Jejunia, & aliæ ultrò suscepta Pœnæ. His porrò singulis illustraris, BEATISSIME PATER, & utinam modum in ultimis non prætergredereris, nimis attenuans Incolumitatem TUAM, à qua pendet Publica Populorum omnium Salus. Cæleste ipsum ab Aurora, quæ ALBA Lux est (a), exortum Cognomen Tuum aptissimis Pœnitentiæ & Virtutem coloribus pingit; illa enim tenebras fugat, solvit in salubrem rorem ignobiles terræ vapores, eoque flores exhilarat, plantas fecundat. Hæc autem omnia præstat quidem per se prædicta Virtus; sed prodigiosum eadem robur additur ab Exemplis Tuis, ad eliminandam ab aliis delictorum noctem, ad irrorandos lacrymis nascentium & virtutum flores, ad omnium conatus, merituris Immortale Regnum actibus, fecundandos. Quod si Pœnitentiâ spectetur ut SACRAMENTUM, hîc disputatur de illa CLAVIUM Potestate, cujus Exercitii ad ligandum, & solvendum Auctoritas permanat ad alios omnes vocatos in partem sollicitudinis ab Apostolico Throno, ad quem TE triduo reluctanter beneficentissima humani generi Divini Numinis Providentia tandem evexit. TUA ergo TIBI offerenda erant, PATER SANCTISSIME, ut ad locum, undè exeunt, flumina revertantur (b). QUI, quod gloriari cum Apostolo potes: Sic nos existimet homo, ut Ministros Christi, & Dispensatores Mysteriorum Dei (c), in sacro Pœnitentiæ lavacro, Divini aspersione Sanguinis, in Basilicis, & Nosocomiis animas eluis. Ea solum delibo, quæ meo sunt argumento quodammodo innata; neque enim audco ire per singulas, easque innumeras Dotes TUVAS, quas nulla valeat enumerare eloquentia. Superest, ut obsequentissimè veniam petam audacia, quæ mea tenuitas assurrexit ad hoc sublime votum Nuncupationis MONARCHÆ MAXIMO. Sed Magnus CLEMENS Divinam illius Indolem refert, cujus Vices præclare gerit. Duo celebrata Vidua in Evangelio minuta Divinitati arriserunt (d). Non contemnet Sapientissimus, & Doctrinarum omnium opibus locupletissimus Princeps qualemcumq; ansum senis agricola, gravem duro terram qui vertit aratro (e): atque hoc ex Patavina angulo Univerſa Christi Vineæ Moderatori Sanctissimo vectigal solvit. Humanissimæ tandem, quam Phœnicis annis regnare opto, CLEMENTIÆ preces illas porrigo, quas olim Angelo Patriarcha Jacob: nec discedam à SANCTIS, ante Quos provolvor, PEDIBUS, nisi voti compos fiam: Ascendit Aurora, cui Pœnitentiâ comparavi, non dimittam TE nisi benedixeris mihi (f).

(a) Corn. à Lap. in Prov. 4. 18. (b) Eccl. 1. 7. (c) 1. Cor. 4. 1. (d) Marc. 12. 42. (e) Horat. Satyr. 1. V. 28. (f) Gen. 32. 26.